

VENDIM
Nr.1231, datë 2.7.2008

**PËR PAGAT E PUNONJËSVE MBËSHTETËS, NË INSTITUCIONET BUXHETORE,
DHE TË NËPUNËSVE, NË DISA INSTITUCIONE BUXHETORE**

Në mbështetje të nenit 100 të Kushtetutës, të nenit 5/1 të ligjit nr.8487, datë 13.5.1999 “Për kompetencat për caktimin e pagave të punës”, të ndryshuar, dhe të ligjit nr.9836, datë 26.11.2007 “Për Buxhetin e Shtetit të vitit 2008”, të ndryshuar, me propozimin e Ministrit të Brendshëm dhe të Ministrit të Financave, Këshilli i Ministrave

VENDOSI:

1. Klasat dhe nivelet e pagave të punonjësve, në disa institucione buxhetore, të cilët nuk trajtohen në pagë me strukturën e pagave të nëpunësve të shërbimit civil, caktohen sipas lidhjes nr.I, “Nivelet e pagës bazë për klasë në Kryeministri, aparatet e ministrive të linjës, administratën e Presidentit, të Kuvendit, institucione të tjera qendrore, në prefektura dhe Shërbimin Gjeologjik Shqiptar”, me 10 klasa përkatësisht sipas lidhjes nr.I/1 “Renditja e pozicioneve të punës për çdo klasë në Kryeministri, aparatet e ministrive të linjës, administratën e Presidentit, të Kuvendit, institucione të tjera qendrore, prefektura dhe Shërbimin Gjeologjik Shqiptar”, dhe lidhjes nr.II “Nivelet e pagës bazë për klasë në institucionet e tjera”, me 14 klasa.

2. Pagat mujore të nëpunësve/punonjësve me tituj e grada shkencore, që janë efektive me kohë të plotë, në universitete e shkolla të tjera të larta, në Akademinë e Shkencave, në qendrat spitalore universitare, në institutet dhe qendrat kërkimore e shkencore, që nuk janë reformuar ende, si dhe të funksionarëve, të papërfshirë në strukturën e pagave të nëpunësve të shërbimit civil, caktohen sipas lidhjes nr.III “Renditja e funksioneve me paga fikse”, që i bashkëlidhet këtij vendimi dhe është pjesë përbërëse e tij.

3. Pagat e punonjësve mbështetës në të gjitha institucionet buxhetore, në institucionet qendrore caktohen sipas lidhjes nr.I “Nivelet e pagës bazë për klasë në Kryeministri, aparatet e ministrive të linjës, administratën e Presidentit, të Kuvendit, institucione të tjera qendrore, prefektura dhe Shërbimin Gjeologjik Shqiptar”, me 10 klasa, sipas lidhjes nr.I/1 “Renditja e pozicioneve të punës për çdo klasë në Kryeministri, aparatet e ministrive të linjës, administratën e Presidentit, të Kuvendit, institucionet e tjera qendrore, prefektura dhe Shërbimin Gjeologjik Shqiptar”, dhe sipas lidhjeve përkatëse, që i bashkëlidhen këtij vendimi dhe janë pjesë përbërëse të tij.

Për institucionet e tjera, sipas lidhjes nr.II “Nivelet e pagës bazë për klasë në institucionet e tjera”, me 14 klasa, dhe sipas lidhjeve përkatëse, të miratuara me urdhër të përbashkët.

4. Nëpunësve/punonjësve, pagat e të cilëve caktohen sipas lidhjes nr.I dhe lidhjes nr.II, pas çdo viti pune u jepet shtesë për vjetërsi në punë, 1 për qind mbi pagën bazë për klasë, por jo më shumë se 25 për qind. Për llogaritjen e kësaj shtese njihet vjetërsia e përgjithshme në punë.

5. Departamenti i Administratës Publike, në bashkëpunim me titullarët e ministrive dhe të institucioneve të tjera qendrore, në bazë të klasave, të përcaktuara në lidhjen nr.II, caktojnë emërtimet e pozicioneve, sipas klasave, dhe shtesën për funksion drejtues (në ato raste kur ka funksione të tilla), sipas grupeve, për punonjësit e institucioneve të sistemit të tyre. Në rastet kur paga, për një pozicion të caktuar, mund të jetë nga një klasë më e ulët deri në një klasë më të lartë, titullarët e ministrive dhe të institucioneve të tjera qendrore, caktojnë pagat bazë për klasë, për pozicionet/emërtesën përkatëse.

6. Për punonjësit në funksione drejtuese jepet shtesë mbi pagën bazë për klasë, në përqindje, sipas shkallëzimit në 6 grupe, si më poshtë vijon:

Grupi i parë	deri në 5 %;
Grupi i dytë	5 deri në 10 %;
Grupi i tretë	10 deri në 15 %;
Grupi i katërt	15 deri në 20 %;
Grupi i pestë	20 deri në 30 %;
Grupi i gjashtë	30 deri në 40 %.

7. Për punë të vështira e të dëmshme për shëndetin, punonjësve, pagat e të cilëve caktohen sipas lidhjes nr.I dhe lidhjes nr.II, u jepen shtesa mbi pagë, sipas shkallëve të vështirësisë e të dëmshmërisë, si më poshtë vijon:

- Në shkallën e parë	deri në 5 %;
- Në shkallën e dytë	10 deri 15 %;
- Në shkallën e tretë	15 deri 20 %;
- Në shkallën e katërt	20 deri 25 %.

Këto shtesa, për të katër shkallët, llogariten mbi pagën bazë të klasës VI, të lidhjeve përkatëse, kurse për punonjësit e repartit të inspektim minierave, llogariten mbi pagën bazë mujore të klasës XI të lidhjes nr.II.

Ndarja e punëve, sipas shkallëve të vështirësisë e të dëmshmërisë, bëhet sipas lidhjes nr.IV, që i bashkëlidhet këtij vendimi dhe është pjesë përbërëse e tij.

Drejtoritë e shëndetit publik ose drejtoritë e higjienës dhe epidemiologjisë, në bazë të kriterëve të përcaktuara në lidhjen nr.IV, studiojnë vendet e punës dhe profesionet e vështira e të dëmshme për shëndetin dhe i propozojnë ministrisë apo institucionit qendror të sistemit të tyre, shkallën e dëmshmërisë e, njëkohësisht, edhe masën e shtesës mbi pagë.

Ministritë dhe institucionet e tjera qendrore, në bashkëpunim me Ministrinë e Shëndetësisë, miratojnë dhënien e këtyre shtesave për punonjësit e institucioneve dhe të ndërmarrjeve buxhetore të sistemit të tyre.

Kur punonjësit i takon të marrë dy a më shumë shtesa për vështirësi e dëmshmëri, ai do të marrë nga një vështirësi për çdo shkallë.

Këto shtesa u rekomandohen edhe punëdhënësve të tjerë të ndërmarrjeve e institucioneve jobuxhetore, shtetërore dhe private.

Punonjësit e sistemit të arsimit, që i kanë përfituar këto shtesa deri më 1 maj 1999 (me miratimin e strukturës së re të pagave, në sistemin e arsimit parauniversitar), do të vazhdojnë t'i përfitojnë ato, derisa të qëndrojnë në atë vend pune. Punonjësit, që fillojnë punë për herë të parë në arsim, nuk i përfitojnë këto shtesa.

8. Mjekët, që janë anëtarë të KMCAP-së (Komisioni Mjekësor i Caktimit të Aftësisë në Punë) eprorë dhe KMCAP-së në rreth, për punën, që bëjnë, marrin shpërblim në përqindje të pagës bazë mujore të mjekut, në masën, si më poshtë vijon:

- a) Për KMCAP-në eprorë dhe KMCAP-të në rrethet e grupit të parë:
 - kryetari 36.5 për qind dhe anëtarët 31 për qind.
- b) Për KMCAP-në e rretheve të tjera:
 - kryetari 31 për qind dhe anëtarët 26 për qind.
- c) Punonjësit e ekspertizës mjekësore të punës, anëtarë të KMCAP-së marrin:
 - i) Për KMCAP-në eprorë dhe për KMCAP-të e rretheve të grupit të parë:
 - 15 deri në 20 për qind të pagës, sipas klasës që kanë.
 - ii) Për KMCAP-të e rretheve të tjera:
 - 10-15 për qind të pagës, sipas klasës që kanë.

Masa e shpërblimit caktohet nga drejtuesi i institucionit.

9. Mjekët, që janë anëtarë të komisioneve mjeko-ligjore, për punën, që bëjnë, marrin

shpërblim, në përqindje, të pagës bazë mujore të mjekut, në masën, si më poshtë vijon:

a) Për komisionet mjeko-ligjore të rretheve të grupit të parë:

- kryetari 17 për qind dhe anëtarët 15 për qind të pagës bazë mujore të mjekut.

b) Për rrethet e tjera:

- kryetari 15 për qind dhe anëtarët 12.5 për qind.

10. Punonjësve të sistemit shëndetësor, të cilët nuk trajtohen në pagë me vendimet e pagave të punonjësve me arsim të lartë, dhe punonjësve të infermieristikës, të sistemit të Ministrisë së Shëndetësisë e të Ministrisë së Mbrojtjes, për të siguruar gatishmërinë e shërbimit shëndetësor gjatë 24 orëve, për kryerjen e shërbimit të rojës dhe urgjencës, dhe punonjësve të repartit të inspektim-shpëtimit në miniera, për kohën, që qëndrojnë në gatishmëri, u jepet një shpërblim deri në 15 për qind të pagës bazë mujore. Ministria e Shëndetësisë dhe Ministria e Ekonomisë, Tregtisë dhe Energjetikës caktojnë kriteret, rregullat dhe vendet e punës për dhënien e këtij shpërblimi.

11. Punonjësve të jashtëm, inxhinierë, ekonomistë, agronomë etj., që japin mësim në shkollat e mesme, në shkollat e ulëta profesionale dhe në kurset e ndryshme (me përjashtim të kurseve, që ngrihen pranë shkollave të larta dhe institucioneve të tjera të kualifikimit të punonjësve mësimorë), për çdo orë mësimore, u jepen 300 lekë.

12. Punonjësit e institucioneve e të organizatave ekonomike, qendrore e joqendrore, për të cilët bëhet fjalë në pikën 11 të këtij vendimi, për mësimet, që japin brenda kohës normale të punës, në kurset e kualifikimit, që organizohen nga institucionet e tyre përkatëse, nuk shpërblehen, kur orët e mësimi janë të barabarta me normën e arsimitarit për të njëjtën lëndë. Për orët suplementare paguhen sipas pikës 11 të këtij vendimi.

13. Punonjësit mësimorë efektivë, që, për nevoja të procesit mësimor japin orë mësimi mbi normën mësimore vjetore, të miratuar me aktet përkatëse, për çdo orë mësimi të kryer mbi këtë normë, paguhen, si më poshtë vijon:

a) Në universitete dhe shkolla të tjera të larta:

- punonjësit mësimorë efektivë, me titujt “Profesor” dhe “Profesor i asociuar” - 1 000 lekë për çdo orë 60-minutëshe;

- punonjësit mësimorë efektivë, me gradën shkencore “Lektor”, - 800 lekë për çdo orë 60-minutëshe;

- punonjësit mësimorë efektivë, “Pedagogë” dhe “Asistentë” - 500 lekë për çdo orë 60-minutëshe.

b) Në shkollat e mesme 300 lekë;

c) Në shkollat 9-vjeçare 250 lekë.

Punonjësit mësimorë në shkollat e larta, në sistemin me kohë të pjesshme, të cilët, për nevoja të procesit mësimor, japin orë mësimi jashtë kohës normale të punës, paguhen, për çdo orë mësimore, me 400 lekë në orë.

Punonjësit e jashtëm, që japin mësim në universitete dhe shkolla të tjera të larta, për çdo orë mësimi do të paguhen në të njëjtën masë me punonjësit efektivë, të këtyre institucioneve.

14. Për punonjësit efektivë, pedagogjiko-shkencorë e kërkimorë, në universitete dhe shkolla të tjera të larta, në Akademinë e Shkencave, në Akademinë e Mbrojtjes (punonjës pa grada, sipas sistemit të gradave të Forcave të Armatosura), dhe punonjësit efektivë, kërkimorë e shkencorë, në institutet dhe qendrat kërkimore-shkencore (të cilët nuk trajtohen me strukturën e pagave të nëpunësve civilë), si dhe në qendrat spitalore universitare, paga bazë mujore të jetë, si më poshtë vijon:

- Profesor A4;

- Profesor i asociuar A5;

- Lektor, punonjës kërkimor B1.

Kur këta punonjës caktohen në funksione drejtuese, përveç pagës përkatëse, marrin edhe shtesën, në përqindje, mbi këtë pagë, si më poshtë vijon:

Pozicioni	Shtesa në %
Rektor i universitetit të kategorisë I	25
Zëvendësrektor i universitetit të kategorisë I	20
Rektor i universitetit të kategorisë II	
Drejtues instituti	17
Sekretar shkencor i seksionit në Akademinë e Shkencave	
Zëvendësrektor i universitetit të kategorisë II	
Dekan	15
Zëvendës drejtor instituti	13
Drejtor i qendrës kërkimore-shkencore	
Zëvendësdekan	
Përgjegjës departamenti	12
Përgjegjës qendre kërkimore	
Përgjegjës shërbimi	10
Kryetar seksioni në Akademinë e Shkencave	
Përgjegjës seksioni	8
Përgjegjës klinike	
Përgjegjës sektori	

15. Punonjësve, që nuk janë efektivë të institucioneve të sipërpërmendura (të cilët nuk trajtohen me strukturën e pagave të nëpunësve civilë), por janë bashkëpunëtorë në veprimtaritë e këtyre institucioneve, u jepet shpërblimi mujor, si më poshtë vijon:

- Profesor	5 600 lekë;
- Profesor i asociuar	4 900 lekë;
- Për gradën shkencore “Doktor i shkencave”	4 200 lekë.

16. - Shoferët e titullarëve, të klasifikuar në grupin “A”, për efekt të ligjit nr.9584, datë 17.7.2006 “Për pagat, shpërblimet dhe strukturat e institucioneve të pavarura kushtetuese dhe të institucioneve të tjera të pavarura, të krijuara me ligj”, që janë punonjës civilë dhe jo punonjës të Gardës së Republikës, përfitojnë pagë, sipas klasës VII të lidhjes nr.1, që i bashkëlidhet këtij vendimi, si dhe 50 për qind shtesë mbi pagën bazë të klasës përkatëse.

- Shoferët e titullarëve, të klasifikuar në grupet “B” dhe “C”, për efekt të ligjit nr.9584, datë 17.7.2006, si dhe shoferi i kryetarit të Akademisë së Shkencave e shoferët e funksionarëve, të barazuar me ta në pagë, me ligje të veçanta, përfitojnë pagën sipas klasës VI të lidhjes nr.I, që i bashkëlidhet këtij vendimi, si dhe 40 për qind shtesë mbi pagën bazë të klasës përkatëse.

- Shoferët e titullarëve, të klasifikuar në grupet “D” dhe “E”, për efekt të ligjit nr.9584, datë 17.7.2006, si dhe shoferët e titullarëve të tjerë, përkatësisht të zëvendësministrave, të drejtorit të kabinetit të Presidentit, Kryetarit të Kuvendit dhe Kryeministrit, të sekretarëve të përgjithshëm në ministritë e linjës, të sekretarëve të përgjithshëm në institucionet e pavarura kushtetuese, të sekretarëve të përgjithshëm në institucionet e tjera të pavarura, të krijuara me ligje të veçanta, të prefektit të qarkut të Tiranës, të rektorit të universitetit, të titullarëve të institucioneve qendrore, në varësi të Këshillit të Ministrave/Kryeministrit dhe në varësi të

ministrave të linjës, të titullarëve të gjykatave të apelit, të gjykatave të apelit për krimet e rënda, të gjykatave të rretheve gjyqësore, të gjykatave për krimet e rënda, të drejtorit të Zyrës së Administrimit të Buxhetit Gjyqësor, përfitojnë pagën sipas klasës V të lidhjes nr.I, që i bashkëlidhet këtij vendimi, si dhe 30 për qind shtesë mbi pagën bazë të klasës përkatëse.

17. Punonjësit, që përfshihen në njësitë ose drejtoritë e zbatimit të projekteve, kredive a ndihmave, që përfiton Republika e Shqipërisë nga institucione ndërkombëtare ose qeveri të vendeve të ndryshme, të trajtohen si pjesë e strukturave të ministrive të linjës.

18. Për natyrë të veçantë pune u jepet shtesë mbi pagën bazë mujore:

18/1 Punonjësve, të cilët punojnë me të sëmurë psikikë e me të meta mendore, në masën 15-20 për qind, sipas përcaktimit, që do të bëjë Ministri i Shëndetësisë.

18/2 Kryeinspektorit dhe inspektorëve sanitarë shtetërorë, epidemiologut dhe ndihmësepidemiologut, në strukturat e Institutit të Higjienës dhe Epidemiologjisë, Tiranë, deri në 20 për qind, sipas përcaktimit, që do të bëjë Ministri i Shëndetësisë.

18/3 Inspektorëve të Zyrës së Mbrojtjes nga Rrezatimet, 25 për qind.

19. Për një periudhë kalimtare, deri në zbatimin e plotë të pagave, sipas klasave dhe shtesave, që parashikon ky vendim, për pagesën e një pjese të punonjësve të institucioneve buxhetore, do të ndiqet kjo procedurë:

19.1 Të gjithë punonjësit, që trajtohen me këtë vendim, të cilët deri më sot janë në marrëdhënie pune në të njëjtin pozicion dhe janë paguar me një klasë më të lartë ose kanë përfituar një pagë bruto më të lartë nga sa parashikohet në këtë vendim, do të paguhën sipas lidhjeve të përcaktuara në këtë vendim dhe do të kompensohen me një shtesë page, në atë masë që paga bruto e tyre të mos ulet në krahasim me nivelin e pagës së para datës 1 korrik 2008.

19.2 Të gjithë punonjësit, që trajtohen me këtë vendim, që kanë përfituar deri para datës 1 korrik 2008 shtesa mbi pagë, të cilat nuk janë parashikuar në këtë vendim, do të vazhdojnë ta përfitojnë shtesën e pagës deri në atë nivel, ku paga e re dhe shtesat mbi pagë të barazohen me pagën bruto, së para datës 1 korrik 2008.

19.3 Punonjësit e emëruar pas daljes së këtij vendimi do të paguhën sipas lidhjes përkatëse të këtij vendimi.

19.4 Të gjitha shtesat mbi pagë, të cilat janë zbatuar deri më sot, do të rishikohen nëpërmjet një vendimi të veçantë, deri më 31 dhjetor 2008.

19.5 Ministrinë dhe institucionet qendrore do të raportojnë në mënyrë të hollësishme pranë Ministrisë së Financave dhe Ministrisë së Brendshme (Departamentit të Administratës Publike), brenda muajit tetor 2008, të gjitha strukturat dhe emërtesat, të cilat kanë përfituar e vazhdojnë të përfitojnë një pagë më të lartë nga sa parashikon ky vendim.

20. Vendimi nr.726, datë 21.12.2000 i Këshillit të Ministrave “Për pagat e punonjësve të institucioneve buxhetore”, i ndryshuar, shfuqizohet.

Ky vendim hyn në fuqi pas botimit në Fletoren Zyrtare dhe i shtrin efektet nga data 1 korrik 2008.

KRYEMINISTRI
Sali Berisha

Lidhja nr.1

NIVELET E PAGËS BAZË PËR KLASË NË KRYEMINISTRI, APARATET E MINISTRIVE
TË LINJËS, ADMINISTRATËN E PRESIDENTIT, KUVENDIT, INSTITUCIONE TË TJERA
QENDRORE, PREFEKTURA DHE SHËRBIMIN GJEOLGJIK SHQIPTAR

Nr.rendor	Klasa	Paga bazë mujore në lekë
1	I	17000
2	II	18500

3	III	19300
4	IV	19900
5	V	20500
6	VI	21600
7	VII	25000
8	VIII	28000
9	IX	31000
10	X	36000

Lidhja I/1

RENDITJA E POZICIONEVE TË PUNËS PËR ÇDO KLASË NË KRYEMINISTRI,
APARATET E MINISTRIVE TË LINJËS, ADMINISTRATËN E PRESIDENTIT, KUVENDIT,
INSTITUCIONE TË TJERA QENDRORE, PREFEKTURA DHE SHËRBIMIN GJEOLGJIK
SHQIPTAR

Nr.	Emërtimi i punonjësit	Niveli i pagës Klasa	Shtesë për funksion (grupi)
1	Drejtor drejtorie	X	6
2	Shef sektori Kryetar dege	IX	5
3	Përgjegjës zyre	IX	3
4	Specialist i parë Inspektor i parë Sekretar i titullarëve të tjerë Përkthyes	VIII	
5	Specialist i dytë Inspektor i dytë Arkivist, protokollist Kryellogaritar Laborant në Institutin e Mjekësisë Ligjore Laborant në laboratorin e Drejtorisë së Përgjithshme të Rrugëve	VII	
6	Përgjegjës administrate Përgjegjës ofiçine e transporti	VI	1
7	Llogaritar i I-rë Teknik i mesëm i specialiteteve të ndryshme Shifrant (MPJ)	VI	
8	Operator i terminaleve Llogaritar	V	
9	Shofer Magaznier Daktilografist Shaptilografist Fotokopjues Arkëtar Korrier diplomatik (MPJ) Shpërndarës shifre (MPJ)	IV	

	Spedicioner (MPJ)		
10	Punëtor	II-IV	
11	Nëpunës informacioni	II	
12	Portier, pastrues, korrier Kafaz i salloneve të pritjes (MPJ)	I	

Lidhja I/2

NIVELET E PAGËS PËR PUNONJËSIT MBËSHTETËS NË PRESIDENCË,
KUVEND, KËSHILLIN E MINISTRAVE

Nr.	Emërtimi/pozicioni	Klasa e pagës	Shtesa për funksion drejtues
1	Përgjegjës arkivi Përgjegjës administrate	IX	4
3	Përgjegjës i teknikës së shumëfishimit, shtypshkrimit	VIII	3
4	Arkivist; llogaritar i parë, Operator, kameraman, fotograf; Magaznier	VIII	0
5	Përgjegjës ofçine, parku	VII	1
	Punonjës shtypshkronje, shumëfishimi Teknikë të ndryshëm Receptionist Magaznier Shofer-korrier	VII	0
6	Punëtorë të tjerë, shofer	VI	0
7	Punonjës pastrimi	III	0

Lidhja I/3

EMËRTIME TË TJERA PËR PUNONJËSIT E ADMINISTRATËS SË GJYKATËS
KUSHTETUESE

Nr.	Emërtimi/pozicioni	Klasa e pagës	Shtesa për funksion drejtues
1	Kryesekretar dhe sekretar seance	IX	
2	Sekretar i kryetarit	VIII	
3	Sekretare dhe indeksuese e legjislacionit	VII	

Lidhja nr.I/4

NIVELET E PAGAVE PËR PUNONJËSIT E ADMINISTRATËS SË

INSPEKTORATIT TË KËSHILLIT TË LARTË TË DREJTËSISË

Nr.	Emërtimi/pozicioni	Klasa e pagës	Shtesa për funksion drejtues
1	Përgjegjës zyre	IX	5
2	Sekretar Teknik	VI	
3	Shofer i titullarit	V	
4	Shofer	IV	
5	Postier	I	

Shënim. Për emërtesa të tjera të punonjësve mbështetës, përdoret lidhja nr.I/1 “Renditja e pozicioneve të punës për çdo klasë në Kryeministri, aparatet e ministrive të linjës, administratën e Presidentit, Kuvendit, institucione të tjera qendrore, prefektura dhe Shërbimin Gjeologjik Shqiptar”.

Lidhja nr.I/5

NIVELET E PAGAVE PËR PUNONJËSIT E ADMINISTRATËS SË GJYKATËS SË LARTË

Nr.	Emërtimi/pozicioni	Klasa e pagës	Shtesa për funksion drejtues
1	Sekretar i Kancelarit	C3	
2	Punonjës i ruajtjes së rendit	V-VIII	
3	Teknik mirëmbajtjeje Operator Magaznier	VII	
4	Shofer	V	
5	Punëtor pastrimi	III	

Shënim. Për emërtesa të tjera të punonjësve mbështetës, përdoret lidhja nr.I/1 “Renditja e pozicioneve të punës për çdo klasë në Kryeministri, aparatet e ministrive të linjës, administratën e Presidentit, Kuvendit, institucione të tjera qendrore, prefektura dhe Shërbimin Gjeologjik Shqiptar”.

Lidhja nr.I/6

NIVELET E PAGAVE PËR PUNONJËSIT E ADMINISTRATËS SË PROKURORISË SË PËRGJITHSHME

Nr.	Emërtimi/pozicioni	Klasa e pagës	Shtesa për funksion drejtues
1	Sekretar i Përgjithshëm	A3	
2	Shef kabineti	A4	
3	Këshilltar Drejtor drejtorie	A5	
5	Zëdhënës shtypi Inspektor kontrolli Përkthyes	B5	

	Përgjegjës zyre		
6	Specialist Jurist Sekretar i Prokurorit të Përgjithshëm	C2	
7	Oficer informacioni dhe i ruajtjes së rendit	VIII	
8	Teknik mirëmbajtjeje Operator Magaznier Arkëtar	VII	
9	Shofer Punonjës shërbimi	V	
10	Punëtor pastrimi	III	

Shënim. Për emërtesa të tjera të punonjësve mbështetës, përdoret lidhja nr.I/1 “Renditja e pozicioneve të punës për çdo klasë në Kryeministri, aparatet e ministrive të linjës, administratën e Presidentit, Kuvendit, institucione të tjera qendrore, prefektura dhe Shërbimin Gjeologjik Shqiptar”.

Lidhja nr.I/7

NIVELET E PAGAVE PËR PUNONJËSIT E AKADEMISË SË SHKENCAVE

Nr.	Emërtimi	Klasifikimi/paga
1	Kryetar i Akademisë së Shkencave	A1
2	Zëvendëskryetar i Akademisë së Shkencave Sekretar Shkencor i Akademisë së Shkencave	A2
3	Akademik	A3
4	Profesor	A4
5	Profesor i asociuar	A5
4	Punonjës kërkimor	B1
5	Kërkues	B3

Shënim. Për emërtesa të tjera të punonjësve mbështetës, përdoret lidhja nr.I/1 “Renditja e pozicioneve të punës për çdo klasë në Kryeministri, aparatet e ministrive të linjës, administratën e Presidentit, Kuvendit, institucione të tjera qendrore, prefektura dhe Shërbimin Gjeologjik Shqiptar”.

Lidhja nr.I/8

NIVELET E PAGËS PËR PUNONJËSIT MBËSHTETËS NË DREJTORINË E PËRGJITHSHME TË ARKIVAVE TË SHTETIT

ARKIVI SHTETËROR QENDROR

Nr.	Emërtimi/pozicioni	Klasa e pagës	Shtesa për funksion drejtues
1	Arkivist i dytë	VII	

2	Administrator dokumentesh	VI	
3	Laborant (mikrofilmues, restaurues, fotograf)	V-VI	

Shënim. Për emërtesa të tjera të punonjësve mbështetës, përdoret lidhja nr.I/1 “Renditja e pozicioneve të punës për çdo klasë në Kryeministri, aparatet e ministrive të linjës, administratën e Presidentit, Kuvendit, institucione të tjera qendrore, prefektura dhe Shërbimin Gjeologjik Shqiptar”.

Lidhja nr.I/9

**NIVELET E PAGËS PËR PUNONJËSIT MBËSHTETËS NË AGJENCINË
TELEGRAFIKE SHQIPTARE**

Nr.	Emërtimi/pozicioni	Klasa e pagës	Shtesa për funksion drejtues
1	Përgjegjës turni	VII	2
2	Teknik aparaturash	IV-V	
3	Radio-foto-teletajp	IV	
4	Laborant	VI	
5	Punëtorë të shtypit	III-IV	

Shënim. Për emërtesa të tjera të punonjësve mbështetës, përdoret lidhja nr.I/1 “Renditja e pozicioneve të punës për çdo klasë në Kryeministri, aparatet e ministrive të linjës, administratën e Presidentit, Kuvendit, institucione të tjera qendrore, prefektura dhe Shërbimin Gjeologjik Shqiptar”.

Lidhja nr.I/10

**NIVELET E PAGAVE PËR PUNONJËSIT JOMËSIMORË TË UNIVERSITETEVE
DHE SHKOLLAVE TË TJERA TË LARTA, DHE PËR PUNONJËSIT CIVILË JOMËSIMORË
TË UNIVERSITETIT USHTARAK DHE AKADEMISË SË MBROJTJES**

Nr.	Emërtimi/pozicioni	Klasa e pagës	Shtesa për funksion drejtues
1	Sekretar i rektorit	IX	
2	Bibliotekar në bibliotekën shkencore të universitetit, me arsim të mesëm	VIII	
3	Bibliotekar në bibliotekat e fakultetit dhe Akademisë së Mbrojtjes, me arsim të mesëm Laborant me arsim të mesëm Restaurator me arsim të mesëm	VII	
4	Restaurator Laborant	VI	
5	Shofer i rektorit Preparator Ekonomist i mesëm Kolektor Punonjës blegtorie	V	

Shënim. Për emërtesa të tjera të punonjësve mbështetës, përdoret lidhja nr.I/1 “Renditja e pozicioneve të punës për çdo klasë në Kryeministri, aparatet e ministrive të linjës, administratën e Presidentit, Kuvendit, institucione të tjera qendrore, prefektura dhe Shërbimin Gjeologjik Shqiptar”.

Lidhja nr.I/11

NIVELET E PAGAVE PËR PUNONJËSIT E SHËRBIMIT GJEOLGJIK SHQIPTAR

Nr.	Emërtimi/pozicioni	Klasifikimi
1	Drejtor i Përgjithshëm	B1
2	Zëvendësdrejtor i Përgjithshëm	B3

PËR EMËRTESA TË TJERA

Nr.	Emërtimi/pozicioni	Klasa e pagës	Shtesa për funksion drejtues
1	Drejtor departamenti në Drejtorinë e Përgjithshme Drejtor në Institutin e Kërkimeve Gjeologjike Drejtor në Qendrën e Punimeve Gjeologjike	X	6
2	Zëvendësdrejtor në Institutin e Kërkimeve Gjeologjike Kryeinxhinier në Qendrën e Punimeve Gjeologjike Drejtor departamenti në Institutin e Kërkimeve Gjeologjike Drejtor i departamentit të Gjeofizikës, të Hidrogeologjisë, të Gjeokimisë-Gjeoambientit dhe Gjeologjisë Inxhinierike, të Analizës së Lëndëve të Para Minerale, të Punimeve Topografike Shef sektori në Drejtorinë e Përgjithshme	X	5
3	Drejtor i degës rajonale Përgjegjës i Arkivit Qendror të Gjeologjisë Përgjegjës i Muzeut të Shkencave të Tokës	X	4
4	Përgjegjës sektori në njësinë Kërkimore Aplikat	X	1
5	Drejtues teknik, drejtues projekti në njësitë kërkimore-aplikative Specialist në Drejtorinë e Përgjithshme	IX-X	
6	Inxhinier i specialiteteve të gjeologjisë Inxhinier i specialiteteve të ndryshme Financier Ekonomist	VIII	

	Revizor Jurist Fizikan Informaticien Përpunues dokumentacioni Matematicien Arkivist Punonjës biblioteke Punonjës muzeu Përkthyes Laborant me arsim të lartë		
8	Teknik gjeolog Teknik i specialiteteve të ndryshme Laborant me arsim të mesëm Operator Ekonomist Llogaritar Përpunues dokumentacioni Kompjuterist Heliografist Disenjator Kopist Arkëtar Magaznier Arkivist Punonjës biblioteke Punonjës muzeu protokollues	VI-VII	
9	Punëtor (mjeshtër shpimi, sondist, minator, armator, mekanik, motorist, elektrikist, tornitor, saldator, axhustator, llamarinist) Shofer	IV-VII	
10	Ndihmës sondist Ndhmësminator Ndhmësarmator Marangoz Murator	I-IV	

Shënim. Për emërtesa të tjera të punonjësve mbështetës, përdoret lidhja nr.I/1 “Renditja e pozicioneve të punës për çdo klasë në Kryeministri, aparatet e ministrive të linjës, administratën e Presidentit, Kuvendit, institucione të tjera qendrore, prefektura dhe Shërbimin Gjeologjik Shqiptar”.

Lidhja nr.I/12

NIVELET E PAGAVE PËR PUNONJËSIT MBËSHTETËS TË QENDRËS
KOMBËTARE TË KULTURËS PËR FËMIJË

Nr.	Emërtimi/pozicioni	Klasa e pagës	Shtesa për funksion drejtues
-----	--------------------	---------------	------------------------------

1	Elektricitist. Fonist	VI	
2	Butaforist. Piktur ekzekutues (me arsim të mesëm)	V	
3	Punëtor skene Garderobier	III	
4	Rojë	II	

Shënim. Për emërtesa të tjera të punonjësve mbështetës, përdoret lidhja nr.I/1 “Renditja e pozicioneve të punës për çdo klasë në Kryeministri, aparatet e ministrive të linjës, administratën e Presidentit, Kuvendit, institucione të tjera qendrore, prefektura dhe Shërbimin Gjeologjik Shqiptar”.

Lidhja nr.I/13

**NIVELET E PAGAVE PËR PUNONJËSIT MBËSHTETËS TË GALERISË
KOMBËTARE TË ARTEVE, MUZEUT HISTORIK KOMBËTAR, MUZEUT TË ARTIT
MESJETAR KORÇË, MUZEUT “ONUFRË” BERAT, MUZEUT “GJERGJ KASTRIOTI
SKENDËRBEU” KRUJË DHE FOTOTEKËS KOMBËTARE “MARUBI” SHKODËR**

Nr.	Emërtimi/pozicioni	Klasa e pagës	Shtesa për funksion drejtues
1	Llogaritar i parë Ekonomist	VI	
2	Piktur me arsim të mesëm Skulptor me arsim të mesëm Restaurator me arsim të mesëm	VI	
3	Ndihmësrestaurator	V	
4	Vëzhgues salle Ruajtës fondesh Fototekist Katalogues	IV	
5	Punëtor restaurimesh	II-IV	
7	Biletashitës Pastrues Portier Korrier	I	

Shënim. Për emërtesa të tjera të punonjësve mbështetës, përdoret lidhja nr.I/1 “Renditja e pozicioneve të punës për çdo klasë në Kryeministri, aparatet e ministrive të linjës, administratën e Presidentit, Kuvendit, institucione të tjera qendrore, prefektura dhe Shërbimin Gjeologjik Shqiptar”.

Lidhja I/14

**NIVELET E PAGAVE PËR PUNONJËSIT MBËSHTETËS TË BIBLIOTEKËS
KOMBËTARE**

Nr.	Emërtimi/pozicioni	Klasa e pagës	Shtesa për funksion drejtues
1	Kryellogaritar	VIII	
2	Ndihmësbibliotekar	VII	

3	Restaurator	VI	
---	-------------	----	--

Shënim. Për emërtesa të tjera të punonjësve mbështetës, përdoret lidhja nr.I/1 “Renditja e pozicioneve të punës për çdo klasë në Kryeministri, aparatet e ministrive të linjës, administratën e Presidentit, Kuvendit, institucione të tjera qendrore, prefektura dhe Shërbimin Gjeologjik Shqiptar”.

Lidhja nr.I/15

**NIVELET E PAGAVE PËR PUNONJËSIT MBËSHTETËS TË QENDRËS SË
PUBLIKIMEVE ZYRTARE**

Nr.	Emërtimi/pozicioni	Klasa e pagës	Shtesa për funksion drejtues
1	Përgjegjës i sektorit të teknikës	X	5
2	Ofsetist	X	
3	Teknik shtypshkronje, faqosës	IX	

Shënim. Për emërtesa të tjera të punonjësve mbështetës, përdoret lidhja nr.I/1 “Renditja e pozicioneve të punës për çdo klasë në Kryeministri, aparatet e ministrive të linjës, administratën e Presidentit, Kuvendit, institucione të tjera qendrore, prefektura dhe Shërbimin Gjeologjik Shqiptar”.

Lidhja nr.I/16

**NIVELET E PAGAVE TË PUNONJËSVE MBËSHTETËS TË REPARTIT TË
INSPEKTIM-SHPËTIMIT NË MINIERA**

Nr.	Emërtimi/pozicioni	Klasa e pagës	Shtesa për funksion drejtues
1	Specialist me arsim të mesëm në: - Laboratorin e provave të litarëve të çelikut - Emergjencën dhe shpëtimin - Mirëmbajtjen (kolaudimin) e pajisjeve shpëtuese - Mirëmbajtjen dhe kolaudimin e automjeteve	IX	0
2	Specialist me arsim të mesëm për komunikimin, informacionin dhe ruajtjen e institucionit Shofer i automjeteve të gatishmërisë	VII	0
3.	Shofer	V-VI	0
4	Operator gatishmërie .Magaznier	V	0
5	Punëtorë	II-IV	
6	Rojë objekti. Pastruese	I-III	

Shënim. Për emërtesa të tjera të punonjësve mbështetës, përdoret lidhja nr.I/1 “Renditja e pozicioneve të punës për çdo klasë në Kryeministri, aparatet e ministrive të linjës, administratën e Presidentit, Kuvendit, institucione të tjera qendrore, prefektura dhe Shërbimin Gjeologjik Shqiptar”.

Lidhja nr.II

NIVELET E PAGËS BAZË PËR KLASË NË INSTITUCIONET E TJERA

NR. RENDOR	KLASA	Paga bazë mujore në lekë
1	I	17000
2	II	18500
3	III	19300
4	IV	19900
5	V	20500
6	VI	21200
7	VII	21850
8	VIII	22430
9	IX	23000
10	X	24500
11	XI	26200
12	XII	27100
13	XIII	28500
14	XIV	34000

Lidhja nr.III

RENDITJA E FUNKSIONEVE ME PAGA FIKSE

A1	Kryetar i Akademisë së Shkencave	162.850
A2	Zëvendëskryetar i Akademisë së Shkencave Sekretar shkencor i Akademisë së Shkencave	129.000
A3	Akademik	117.000
A4	Profesor Këshilltar i Shefit të Shtabit të Përgjithshëm të Forcave të Armatosura	103.500
A5	Profesor i asociuar Këshilltar i Kryetarit të Gjykatës së Lartë Këshilltar i Prokurorit të Përgjithshëm	89.250
A6		82.000
B1	Lektor Punonjës kërkimor	77.000
B2		74.000
B3	Pedagog Kërkues Rektor (pa titull/gradë shkencore)	66.500
B4	Asistent në shkollat e larta	58.500
B5	Përgjegjës zyre në Prokurorinë e Përgjithshme Inspektor kontrolli në Prokurorinë e Përgjithshme Përkthyes në Prokurorinë e Përgjithshme	48.300
C1		43.000
C2	Informaticien në Gjykatat e shkallës së parë dhe në gjykatat e apelit	39.000

C3	Sekretar i Kancelarit të Gjykatës së Lartë	33.700
----	--	--------

Lidhja nr.IV

KRITERE PËR DHËNIEN E SHITESËS MBI PAGË PËR PUNË TË VËSHTIRA E TË DËMSHME PËR SHËNDETIN

Në zbatim të pikës nr.7 të këtij vendimi, ndarja e punëve sipas shkallës së vështirësisë dhe dëmshmërisë për shëndetin është si vijon:

1. Në shkallën e parë përfshihen punët që kryhen:

a) në kushtet e ekspozimit ndaj veprimit të pluhurave, që nuk shkaktojnë dëmtime të mushkërisë;

b) në kushtet e ekspozimit ndaj veprimit të substancave toksike, që nuk depozitohen në organizëm;

c) në ambientet e mbyllura, në të cilat për arsye teknologjike mbahet konstante temperatura mbi 25 gradë, ose nën 10 gradë;

d) në një ambient të lagët me lagështi relative të ajrit mbi 80 për qind, në baltë ose në kontakt direkt me ujin;

e) në kushtet e ekspozimit ndaj rrezatimit ultraviolett ose infra të kuqe, për shembull saldimi, farkëtimi etj;

f) në kushtet e vibrimit të përgjithshëm;

g) në ambientet në të cilat është i domosdoshëm përdorimi i ndriçimit artificial;

gj) pranë monitorëve elektrikë me ekran (kur punon mbi 4 orë në ditë).

2. Në shkallën e dytë të dëmshmërisë për shëndetin ose të vështirësisë së veçantë përfshihen punët që kryhen:

a) në kushtet e ekspozimit ndaj veprimit të pluhurave që shkaktojnë dëmtime të mushkërisë;

b) në kushtet e ekspozimit ndaj veprimit të substancave toksike që depërtohen në organizëm;

c) në kushtet e ekspozimit ndaj zhurmave;

d) në kushtet e presionit të ulur ose të ngritur për arsye të procesit teknologjik;

e) në kushtet e ekspozimit ndaj veprimit të vibrimit lokal, p.sh. përdorimi i pajisjeve pneumatike me dorë;

f) në kushtet e një mbingarkese fizike të llogaritur të paktën 1100 kilokalori për burrat dhe 600 kilokalori për gratë ose që kërkojnë një pozicion të detyruar për trupin;

g) në praninë efiçente potencialisht me burime infeksioni të rrezikshme, në kushtet e ekspozimit ndaj veprimit të hormoneve dhe antibiotikëve që shkaktojnë çrregullime të veprimtarisë fiziologjike të organizmit, si dhe faktorëve të tjerë me veprim të njëjtë si hormonet dhe antibiotikët, në qoftë se kjo do të njihet nga Instituti i Higjienës dhe Epidemiologjisë.

3. Në shkallën e tretë të dëmshmërisë për shëndetin ose vështirësisë përfshihen punët që kryhen:

a) në kushtet e ekspozimit ndaj veprimit të fushave elektromagnetike me frekuencë të lartë në intervalin nga 0,1 deri 300.000 MhZ në zonën e rrezikut;

b) në kushte veçanërisht të rrezikshme:

- në lartësinë mbi 2m ose në thellësinë nën 2m kur punohet në prani të rrezikut;

- që lidhen me prodhimin, përdorimin, magazinimin dhe transportimin e gazeve dhe materialeve shpërthyes;

- brenda rezervuarëve, aparateve, kanaleve, puseve etj., kryerja e të cilave kërkon leje speciale nga drejtuesi i ndërmarrjes ose institucioni;

- në pajisjet elektroenergjetike që ndodhen nën tension mbi 220 V, që kryhen në

përputhje me udhëzimet për mbrojtjen në punë;

- që lidhen me ngarkimin dhe shkarkimin e lëndëve djegëse të lëngëta, si dhe transportimin e tyre;

- nën tokë ose nën ujë;

- në punët me të sëmurët psikikë e me të meta mendore, në shërbimin e anatomisë patologjike e mjekësisë ligjore, në repartet e sëmundjeve onkologjike.

4. Në shkallën e katërt të dëmshmërisë për shëndetin përfshihen punët që kryhen me benzidinë, alfa dhe beta naftiloaminë, klorvinil, punët që kryhen në kushtet e ekspozimit ndaj rrezatimit jonizues, si dhe faktorë të tjerë me veprime analogjike në qoftë se kjo do të njihet nga Instituti i Higjienës dhe Epidemiologjisë.

5. Punët që kryhen në kushte të vështira e të dëmshme për shëndetin konsiderohen ato që kryhen në ambiente që kapërcejnë kufijtë e lejueshëm të faktorëve të dëmshëm për shëndetin të cilët përcaktohen në dispozita të veçanta ose në norma të detyrueshme higjieno-sanitare.

6. Dhënien e shtesës për punët që kryhen në kushte të vështira e të dëmshme për shëndetin, mbështetet në rezultatet e studimeve të ambientit që kryhen nga institucionet e autorizuar për këto lloj studimesh.

7. Në rastet kur punonjësit i takojnë të marrë më shumë se një shtesë për punë të vështira e të dëmshme për shëndetin, shtesat jepen për çdo rast.